

REGLUGERÐ

156

13. nóv.

um möskvastærðir fiskinetja og lágmarksstærðir fisktegunda.

1. gr.

Á hafsvæðinu norðan 66° norðurbreiddar og austan Greenwich-lengdarbaugsins og á Íslandsmiðum milli 62° og 68° norðurbreiddar og 10° og 28° vesturlengdar, skal lágmarksstærð möskva vera sem hér segir:

- a. Í botnvörpunetjum slík, að þegar möskvar eru teygðir horna á milli, eftir lengd netsins, komist flöt mælistika, 110 mm breið og 2 mm þykk, auðveldlega í gegn, þegar netið er vott.
- b. Í dragnótum slík, að þegar möskvar eru teygðir horna á milli, eftir lengd netsins, komist flöt mælistika, 100 mm breið og 22 mm þykk, auðveldlega í gegn, þegar netið er vott.

2. gr.

Á öllu hafsvæðinu fyrir norðan 48° norðurbreiddar og milli 42° vesturlengdar og 32° austurlengdar, en að undanteknum þeim svæðum, sem um getur í 1. gr. og sérstakar reglur gilda um eins og þar segir, og að undanteknu Eystrasalti og Beltunum sunnan og austan línu, sem hugsast dregin frá Hasenöre-höfða til Gnibenhöfða, frá Korshage til Spodsbjerg og frá Gilbjerghöfða til Kullen, skal lágmarksstærð möskva vera sem hér segir:

- a. Í botnvörpunetjum slík, að þegar möskvar eru teygðir horna á milli, eftir lengd netsins, komist flöt mælistika, 80 mm breið og 2 mm þykk, auðveldlega í gegn þegar netið er vott. — Til 4. apríl 1956 skal þó heimilt að nota botnvörpunet með 75 mm möskva.
- b. Í dragnótum slík, að þegar möskvar eru teygðir horna á milli, eftir lengd netsins, komist flöt mælistika, 70 mm breið og 2 mm þykk, auðveldlega í gegn þegar netið er vott.

3. gr.

1. Ekkert skip má við veiðar nota nokkurt það tæki, sem þrengir eða heftir á nokkurn hátt möskva þá, sem lýst er í 1. og 2. gr. reglugerðar þessarar.
2. Þó skal eigi teljast ólögmeitt að festa striga, neti eða öðru efni undir poka botnvörpunets, í því skyni að forða eða draga úr sliti.

4. gr.

Þrátt fyrir ákvæði 1. og 2. gr., mega þó skip, er veiða makríl, sild og skyldar tegundir, gulllax, ál, fjörsung (*Trachinus draco*), rækjur, kampalampa, leturhumar eða lindýr, hafa innanborðs og nota net með smærri möskvum en þar greinir, með þeim skilyrðum, (a) að slík veiðarfæri noti skipin ekki til þess að veiða aðrar tegundir fisks en hér greinir og (b) að öllum fiski, sem með þeim kann að veiðast og eigi nær lágmarksstærð þeirri, er lýst er í 5. gr. reglugerðar þessarar, verði þegar eftir veiðina fleygt útbyrðis.

5. gr.

Bannað er að hirða nokkurn fisk, sem er smærri en greint er hér á eftir. Lágmarksstærðin er mæld frá trjónu-oddi að sporðsenda:

Þorskur (<i>Gadus callarias</i>)	30 cm
Ýsa (<i>Gadus aeglefinus</i>)	27 —
Lýsingur (<i>Merluccius merluccius</i>)	30 —

156
13. nóv.

Skarkoli (<i>Pleuronectes platessa</i>)	25 cm
Langlúra (<i>Glyptocephalus cynoglossus</i>)	28 —
Þykkvalúra (<i>Microstomus kitt</i>)	25 —
Tunga (<i>Solea solea</i>)	24 —
Sandhverfa (<i>Scophthalmus maximus</i>)	30 —
Slétthverfa (<i>Scophthalmus rhombus</i>)	30 —
Stórkjafra (<i>Lepidorhombus whiff</i>)	25 —
Lýsa (<i>Gadus merlangus</i>)	20 —
Sandkoli (<i>Pleuronectes limanda</i>)	20 —

Einnig er bannað að kaupa eða selja fisk, sem telst til þessara tegunda, ef hann er smærri en segir í þessari grein.

6. gr.

Eigi ná ákvæði reglugerðar þessarar til fiskveiða í þágu vísindalegra rannsókna né til fisks, sem í slíkum veiðiferðum er veiddur, enda verði hann eigi seldur, sýndur eða látinn falur.

7. gr.

Brot á ákvæðum reglugerðar þessarar varða sektum frá kr. 500.00 til kr. 20000.00.

8. gr.

Reglugerð þessi öðlast gildi 20. nóvember 1954 og er jafnframt úr gildi felld reglugerð nr. 33 18. marz 1954, um möskvastærðir fiskinetja og lágmarksstærðir fisktegunda.

Reglugerð þessi er sett samkvæmt lögum nr. 18 3. marz 1954, um heimild fyrir ríkisstjórnina til þess að láta öðlast gildi ákvæðin í alþjóðasamningi frá 5. apríl 1946, um möskvastærð fiskinetja og lágmarksstærðir fisktegunda, ásamt ákvæðum viðbættis við samninginn frá 2. apríl 1953.

Atvinnumálaráðuneytið, 13. nóvember 1954.

Ólafur Thors.

Gunnl. E. Briem.

157
16. nóv.

REGLUGERÐ

fyrir vatnsveitu Breiðdalsvíkurþorps.

1. gr.

Hreppsnefnd Breiðdalshrepps hefur einkaleyfi til reksturs vatnsveitu og sölu vatns á því svæði, er hún nær yfir og getur fullnægt svo og á Breiðdalsvíkurhöfn.

2. gr.

Vatnsveitunefnd, sem kosin er af hreppsnefnd til fjögurra ára í senn, annast öll framkvæmdastörf, viðhald og endurbætur vatnsveitunnar, fjárreiður hennar og umsjón eigna í samráði við oddvita og hreppsnefnd. Í vatnsveitunefnd séu 3 menn og aðrir 3 til vara. Vatnsveitunefnd skiptir sjálf með sér verkum.

3. gr.

Vatnsveitan leggur aðalvatnsæðar um þorpið, svo víða sem fært þykir, svo að húseigendur eigi greiðan aðgang að þeim í fyrirhuguðu vegarstæði eða götu, er lóðir þeirra liggja að. Frá aðalæð skulu húseigendur leggja vatnsæðar á sinn kostnað.